

গণপ্রজাতন্ত্রী বাংলাদেশ সরকার

তথ্য অধিদফতর



আঞ্চলিক তথ্য অফিস, ময়মনসিংহ



সংবাদকক্ষ : ০২-৯৯৬৬৬১৩৭০ E-mail- pidmymensingh@gmail.com, Facebook: Pid Mymensingh

## সংবাদ গতিধারা

স্থানীয় দৈনিকসমূহে প্রকাশিত সংবাদ, সম্পাদকীয়'র সারসংক্ষেপ, গুরুত্বপূর্ণ নিবন্ধ ও ফিচারের সংক্ষিপ্তসার

সংখ্যা-১০৪/২০২২-২০২৩

ময়মনসিংহ, ০৬ ফেব্রুয়ারি, সোমবার ২০২৩, ২৩ মাঘ ১৪২৯

আজকের স্থানীয় দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে:

- ০১। সক্ষম সকলকে কর প্রদানের আহ্বান প্রধানমন্ত্রীর
- ০২। মানসম্মত শিক্ষা না থাকায় ৫টি মেডিকেল কলেজের কার্যক্রম স্থগিত করা হয়েছে: স্বাস্থ্যমন্ত্রী
- ০৩। জামালপুরের সেন্ট আন্দ্রে ব্যাসেট ক্যাথেলিক মিশন শিক্ষা প্রতিষ্ঠানে ধর্ম প্রতিমন্ত্রীর মতবিনিময়
- ০৪। নতুন শিক্ষাক্রমের বিষয়ে প্রশিক্ষণ পাবেন ৩২ হাজার প্রধান শিক্ষক
- ০৫। ময়মনসিংহে জাতীয় গ্রন্থাগার দিবস পালিত
- ০৬। ৮ ফেব্রুয়ারি থেকে হজের নিবন্ধন শুরু

**০১। সক্ষম সকলকে কর প্রদানের আহ্বান প্রধানমন্ত্রীর**

প্রধানমন্ত্রী শেখ হাসিনা দেশবাসীকে তাদের কর প্রদানের আহ্বান জানিয়ে বিশ্বব্যাপী অর্থনৈতিক সংকট কাটিয়ে উঠতে করদাতার সংখ্যা বাড়ানোর পাশাপাশি আরও কর সংগ্রহের প্রয়োজনীয়তার উপর গুরুত্বারোপ করেছেন। প্রধানমন্ত্রী করের পরিমাণ বাড়ানোর পরিবর্তে করদাতার সংখ্যা সম্প্রসারণে আন্তরিকতা ও পেশাদারিত্বের সঙ্গে কাজ করতে এবং জনগণকে কর দিতে উদ্বুদ্ধ করতে সারাদেশে ব্যাপক সচেতনতামূলক প্রচারণা চালানোর জন্য সংশ্লিষ্ট কর্তৃপক্ষকে নির্দেশ দেন। রবিবার (০৫ ফেব্রুয়ারি) রাজধানীর বঙ্গবন্ধু আন্তর্জাতিক সম্মেলন কেন্দ্রে অনুষ্ঠিত রাজস্ব ব্যবস্থাপনার উন্নয়নের লক্ষ্যে দেশের প্রথম দুইদিনব্যাপী রাজস্ব সম্মেলন-২০২৩ এর উদ্বোধনকালে প্রধানমন্ত্রী এ আহ্বান জানান। সূত্র: দৈনিক স্বদেশ সংবাদ, দৈনিক ময়মনসিংহ প্রতিদিন, দৈনিক স্বজন, দৈনিক আজকের ময়মনসিংহ, দৈনিক সবুজ, দৈনিক সকালের দুনিয়া ও দৈনিক উর্ষিবাংলা প্রতিদিন।

**০২। মানসম্মত শিক্ষা না থাকায় ৫টি মেডিকেল কলেজের কার্যক্রম স্থগিত করা হয়েছে: স্বাস্থ্যমন্ত্রী**

স্বাস্থ্য ও পরিবার কল্যাণমন্ত্রী জাহিদ মালেক জানিয়েছেন, আইন ও নীতিমালা অনুসারে মানসম্পন্ন শিক্ষা কার্যক্রম পরিচালনা না করায় ৫টি বেসরকারি মেডিকেল কলেজের কার্যক্রম স্থগিত করা হয়েছে। রবিবার (০৫ ফেব্রুয়ারি) জাতীয় সংসদে জাতীয় পার্টির সদস্য মসিউর রহমান রাঙার টেবিলে উপস্থাপিত তারকা চিহ্নিত এক প্রশ্নের জবাবে তিনি একথা জানান। সূত্র: দৈনিক স্বদেশ সংবাদ।

**০৩। জামালপুরের সেন্ট আন্দ্রে ব্যাসেট ক্যাথলিক মিশন শিক্ষা প্রতিষ্ঠানে ধর্ম প্রতিমন্ত্রীর মতবিনিময়**

জামালপুরের বকসিগঞ্জ সেন্ট আন্দ্রে ব্যাসেট ক্যাথলিক মিশন শিক্ষা প্রতিষ্ঠানে খ্রিস্টান ধর্মাবলম্বীদের ফাদার, সিস্টার ও শিক্ষার্থীদের সাথে মতবিনিময় করেছেন ধর্ম প্রতিমন্ত্রী ফরিদুল হক খান। শনিবার (০৪ ফেব্রুয়ারি) বিকালে লাউচাপড়া সেন্ট আন্দ্রে ব্যাসেট ক্যাথলিক মিশন শিক্ষা প্রতিষ্ঠানের হলরুমে এই মতবিনিময় সভা অনুষ্ঠিত হয়। সূত্র: দৈনিক ব্রহ্মপুত্র এক্সপ্রেস।

**০৪। নতুন শিক্ষাক্রমের বিষয়ে প্রশিক্ষণ পাবেন ৩২ হাজার প্রধান শিক্ষক**

নতুন শিক্ষাক্রম অনুযায়ী পাঠদান বাস্তবায়নে প্রধান শিক্ষকদের প্রশিক্ষণের আওতায় আনার উদ্যোগ নিয়েছে মাধ্যমিক ও উচ্চশিক্ষা অধিদপ্তর (মাউশি)। চলতি মাসেই শুরু হবে প্রশিক্ষণের কার্যক্রম। রবিবার (০৫ ফেব্রুয়ারি) বিষয়টি নিশ্চিত করে মাউশির পরিচালক (প্রশিক্ষণ) প্রবীর কুমার ভট্টাচার্য বলেছেন, নতুন কারিকুলাম বাস্তবায়নে বছরের শুরুর শুরুতে সহকারী শিক্ষকদের প্রশিক্ষণ দেওয়া হয়েছে। আমরা ধারাবাহিকভাবে সব শিক্ষককে প্রশিক্ষণের আওতায় আনবো। সূত্র: দৈনিক ময়মনসিংহ প্রতিদিন।

**০৫। ময়মনসিংহে জাতীয় গ্রন্থাগার দিবস পালিত**

‘স্মার্ট গ্রন্থাগার, স্মার্ট বাংলাদেশ’ স্লোগানে ময়মনসিংহে পালিত হয়েছে জাতীয় গ্রন্থাগার দিবস। রবিবার (০৫ ফেব্রুয়ারি) সকালে ময়মনসিংহ বিভাগীয় গ্রন্থাগার মিলনায়তনে ময়মনসিংহ জেলা প্রশাসন ও বিভাগীয় গ্রন্থাগারের আয়োজনে দিবসটি উপলক্ষ্যে এক আলোচনা সভা অনুষ্ঠিত হয়েছে। অনুষ্ঠানে প্রধান অতিথি হিসেবে উপস্থিত ছিলেন ময়মনসিংহ জেলা প্রশাসক মো. মোস্তাফিজার রহমান। সূত্র: দৈনিক ময়মনসিংহ প্রতিদিন

**০৬। ৮ ফেব্রুয়ারি থেকে হজের নিবন্ধন শুরু**

চলতি বছর (২০২৩) সরকারি ও বেসরকারিভাবে হজে যেতে নিবন্ধন শুরু হবে আগামী ৮ ফেব্রুয়ারি (বুধবার)। নিবন্ধন শেষ হবে ২৩ ফেব্রুয়ারি। রবিবার (০৫ ফেব্রুয়ারি) হজযাত্রী নিবন্ধনের বিজ্ঞপ্তি জারি করেছে ধর্মবিষয়ক মন্ত্রণালয়। সূত্র: আজকের বাংলাদেশ।

## সম্পাদকীয়

- (ক) **দৈনিক স্বদেশ সংবাদ:** প্রতিবছরই ‘অমর একুশে বইমেলা’ মুখরিত হয় হাজারো বইপ্রেমী মানুষ ও শিশুদের পদচারণায়। অমর একুশে বইমেলা প্রাঙ্গণ মুখরিত হোক বাঙালির প্রাণের উচ্ছ্বাসে।
- (খ) **দৈনিক স্বজন, দৈনিক নিউ টাইমস, দৈনিক আজকের ময়মনসিংহ, দৈনিক জাহান, দৈনিক দেশের খবর, দৈনিক দিনের পালা ও দৈনিক উর্মিবাংলা প্রতিদিন:** বেশকিছু সংস্কার কার্যক্রম সামনে রেখে আইএমএফ কর্তৃক ঋণ সহায়তা পেয়েছে বাংলাদেশ। বৈশ্বিক সংকটে বাংলাদেশ ঋণ পেয়েছে, এটাই ইতিবাচক। আইএমএফয়ের ঋণের যথাযথ ব্যবহারও প্রত্যাশিত।
- (গ) **দৈনিক ব্রহ্মপুত্র এক্সপ্রেস:** মাস দেড়েক পরেই রোজা শুরু হবে। যদিও সরকার আশ্বাস দিয়ে বলেছে যে, রোজায় নিত্যপণ্যের দাম বাড়বে না। তবে দীর্ঘদিন ধরেই নিত্যপণ্যের দাম উর্ধ্বমুখী। তাই রোজার আগেই নিত্যপণ্যের বাজার নিয়ন্ত্রণ জরুরি।
- (ঘ) **দৈনিক সবুজ:** নিপাহ ভাইরাসের সংক্রমণ বাড়ছে। দেশে সাধারণত শীতকালে নিপাহ সংক্রমণ দেখা যায়। আমরা করোনার মতো ভয়াবহ ভাইরাস প্রতিরোধে অনেকটাই সফল হয়েছি। তাই নিপাহ ভাইরাস প্রতিরোধেও কার্যকর পদক্ষেপ নিতে হবে, একযোগে কাজ করতে হবে।

## প্রবন্ধ/নিবন্ধ

- ০১। কৃষি বিপ্লবের সুফল পাচ্ছে না কৃষক- রেজাউল করিম খোকন (দৈনিক স্বজন)
- ০২। ফেব্রুয়ারির প্রেরণায় ভাষাচর্চার শুদ্ধতা আসুক- আহমেদ আমিনুল ইসলাম (দৈনিক ব্রহ্মপুত্র এক্সপ্রেস)
- ০৩। একুশের শপথে এগিয়ে যেতে হবে- আবু আফজাল সালেহ (দৈনিক আজকের ময়মনসিংহ, দৈনিক জাহান, দৈনিক নিউ টাইমস, দৈনিক দেশের খবর, দৈনিক দিনের পালা, দৈনিক উর্মিবাংলা প্রতিদিন)
- ০৪। গ্রন্থাগারের গুরুত্ব এবং প্রাসঙ্গিকতা- প্রকাশ ঘোষ বিধান (আজকের বাংলাদেশ)

#